



Uppbyggingarsjóður Austurlands

Úthlutunarreglur
Áherslur
Mat umsókna



SÓKNARÁÆTLUN
AUSTURLANDS

Ábyrgðarmenn: Tinna K. Halldórsdóttir & Signý Ormarsdóttir
Austurbrú
uppbyggingarsjodur@austurbru.is



AUSTURLAND

Efnisyfirlit

Um sjóðinn	3
Áherslur, markmið og hugmyndafræði	4
Úthlutunarreglur & viðmið	5
Styrkhæfur kostnaður	7
Úthlutunarreglur og mat umsókna	7
Útlit og frágangur umsóknar	8
Innihald og trúverðugleiki umsóknar	9
Sérhæft mat umsókna um styrki til menningarverkefna	11
Sérhæft mat umsókna um atvinnu- og nýsköpunarstyrki	12
Sérhæft mat umsókna um stofn- og rekstrarstyrki	13

Um sjóðinn

Hlutverk og tilgangur Uppbyggingarsjóðs Austurlands er að styrkja menningar-, atvinnu- og nýsköpunarverkefni á Austurlandi í samræmi við samning um Sóknaráætlun landshlutans. Uppbyggingarsjóður Austurlands er samkeppnissjóður og eru umsóknir metnar út frá markmiðum og áherslum sem fram koma í Sóknaráætlun Austurlands 2020–2024 og þeim reglum og viðmiðum sem hér koma fram. Úthlutað er úr sjóðnum árlega til verkefna á sviði menningar annars vegar, þar á meðal stofn- og rekstrarstyrkjum, og til atvinnu- og nýsköpunarverkefna hins vegar. Auglýst er eftir umsóknum sem berast þurfa innan þess tímaramma sem gefinn er hverju sinni. Umsóknir eru metnar af fagráðum sem eru tvö; fagráð menningar og fagráð atvinnu- og nýsköpunar. Fagráð skila niðurstöðum sínum til úthlutunarnefndar sem tekur ákvörðun um úthlutun. Austurbrú fer með umsýslu og verkefnastjórn Uppbyggingarsjóðs í umboði Sambands sveitarfélaga á Austurlandi (SSA). Fagráð og úthlutunarnefnd Uppbyggingarsjóðs eru skipuð af stjórn SSA.

Áherslur, markmið og hugmyndafræði

Áherslur og hugmyndafræði Uppbyggingarsjóðs byggir á Sóknaráætlun Austurlands 2020–2024 og er sett fram fyrir málefnaflokkana þrjá sem áætlunin nær yfir; menningu, umhverfi og atvinnu. Í áherslunum felast bæði ákveðin viðmið um verkefni og hvatning til aðgerða. Litið er til þessara áherslna við mat á umsóknum.

Menning

- Styðja við menningarverkefni sem draga fram eða efla áhugaverða þætti í menningararfleifð, t.d. handverk og vinnulag.
- Styðja við verkefni sem styrkja atvinnustarfsemi á sviði lista og menningar.
- Styðja sérstaklega við menningarverkefni sem efla og auka menningar- og liststarfsemi fyrir börn og unglinga, t.d. safnafræðslu, stök námskeið, listamenn inn í skóla.
- Styðja við framsækin og mikilvæg menningarverkefni með styrkjum til tveggja til þriggja ára. Uppfylla þarf skilyrði um áfangaskiptingu, skýra framtíðarsýn, sterka verkefnaáætlun og rökstuðning fyrir mikilvægi verkefnisins fyrir menningu og samfélag á Austurlandi.
- Hvetja til þess að aðstaða á ásættanlegum kjörum sé til staðar í hverjum byggðakjarna fyrir listamenn, sama hver listgreinin er. Leiklist og tónlist hafa notið ákveðinnar sérstöðu sem mikilvægt er að jafna hvað varðar sjónlistafólk og hönnuði.

Atvinna & nýsköpun

- Styðja við atvinnuverkefni sem stuðla að því að Austurland sé eitt atvinnusóknarsvæði, s.s. verkefni sem ná yfir stærri svæði, tengja saman byggðakjarna og/eða sveitarfélög.
- Styðja við nýsköpun í atvinnustarfsemi ungs fólks á aldrinum 20 – 35 ára.
- Styðja við atvinnuverkefni sem stuðla að aukinni sjálfbærni sérstaklega í (matvæla-) framleiðslu.
- Styðja við atvinnuverkefni sem miða að fullvinnslu matvæla.
- Styðja við atvinnuverkefni sem stuðla að nýsköpun í ræktun.
- Styðja við atvinnuverkefni sem ríma við hugmyndafræði Áfangastaðarins Austurlands.
- Hvetja til þess að auka hlutfall staðbundinna hráefna á veitingastöðum milli ára.

Umhverfi

- Styðja við verkefni sem draga úr sóun og efla endurnýtingu, s.s. á sviði viðgerðarþjónustu og ráðgjöf eða fræðslu sem stuðlar að minnkun kolefnisspors og dregur úr óþarfa neyslu.
- Styðja við hugmyndir sem snúa að vöruþróun úr staðbundnum skógarafurðum.

Úthlutunarreglur & viðmið

Umsóknum skal skilað með rafrænum hætti gegnum umsóknagátt samkvæmt leiðbeiningum. Umsókn skal vera vönduð, skýr og innihalda raunhæfa verk- og kostnaðaráætlun. Úthlutunarnefnd er heimilt að hafna umsókn teljist hún ekki útfyllt á fullnægjandi hátt og hún er þá ekki tekin til efnislegrar meðferðar. Niðurstaða úthlutunar er endanleg og ekki er hægt að fara fram á endurmat á einstökum umsóknum. Hægt er að óska eftir rökstuðningi varðandi synjun umsókna*.

Úthlutunarreglur

- 1: Umsækjendur í Uppbyggingarsjóð Austurlands geta verið: lögráða einstaklingar og lögaðilar með lögheimili á Austurlandi eða sterka tengingu við landshlutann. Stofnanir, opinber hlutafélög og samtök í meirihlutaeigu ríkis eða sveitarfélaga skulu að jafnaði ekki vera leiðandi aðilar í verkefnum. Umsækjandi um stofn- eða rekstrarstyrki til menningar og lista verður að vera lögaðili.
- 2: Umsækjandi skal sýna fram á að minnsta kosti 50% mótframlag á móti styrk sjóðsins. Gera þarf skýra grein fyrir mótframlaginu, þ.e. vinnuframlagi, fjármagni eða öðru. Með umsókn skal fylgja staðfesting á mótframlagi og þátttöku annarra aðila í verkefninu.
- 3: Umsækjanda er heitið trúnaði varðandi umsókn en birtur verður opinberlega listi yfir styrkþega, heiti verkefna, stutt lýsing á verkefni, styrkupphæðir og heildarkostnað.
- 4: Umsækjandi skal hafa gengið frá áfanga- og/eða lokaskýrslu vegna fyrri styrks áður en sótt er um nýjan styrk, hvort heldur er til framhaldsverkefnis eða nýs verkefnis.
- 5: Umsækjandi ábyrgist að öll tilskilin leyfi séu fyrir framkvæmd verkefnis. Verkefni skal að jafnaði ekki standa yfir lengur en í eitt ár. Vegna langtímaverkefna skal gera grein fyrir áföngum verkefnis og sækja um styrk fyrir afmörkuðum hluta þess sem ljúka á innan 12 mánaða frá undirskrift styrktarsamnings.
- 6: Uppbyggingarsjóður gerir samning við styrkþega áður en greiðslur hefjast. Þar skulu koma fram allar fyrirsjáanlegar breytingar, t.d. vegna minna fjármagns en umsókn gerði ráð fyrir. Styrkir greiðast samkvæmt samningsskilmálum og framvindu verkefnis. Lokagreiðsla framkvæmist eftir fullnægjandi skil lokaskýrslu.
- 7: Styrkir lægri en ein milljón króna greiðast í tvennu lagi; helmingur (50%) við undirritun samnings og helmingur eftir fullnægjandi skil lokaskýrslu ásamt viðeigandi fylgiskjölum. Styrkir hærri en ein milljón króna greiðast í þrennu lagi; við undirritun samnings greiðast 30%, við skil framvinduskýrslu greiðast 40% og lokagreiðsla (30%) eftir fullnægjandi skil lokaskýrslu ásamt viðeigandi fylgiskjölum.
- 8: Í lokaskýrslu skulu koma fram upplýsingar um framvindu og árangur í samanburði við framvinduáætlun í umsókn og skilmála samnings. Gera þarf grein fyrir öllum breytingum á verkefni, t.a.m. ef styrkur Uppbyggingarsjóðs eða önnur fjármögnun hefur vikið frá áætlun. Mat á verkefni byggir á grundvelli lokaskýrslu og er tekið tillit til slíkra breytinga, en úthlutunarnefnd getur tekið ákvörðun um að hafna lokagreiðslu ef verulegar breytingar hafa orðið á verkefni frá framlagðri umsókn og undirritun samnings. Áríðandi er því að styrkþegar beri fyrirsjáanlegar breytingar á verkefni undir verkefnisstjóra og/eða úthlutunarnefnd áður en til þeirra kemur. Ljúki verkefni ekki innan 12 mánaða frá undirritun samnings og fyrstu greiðslu skal styrkþegi leggja fram greinargerð með ítarlegum skýringum á töfum eða endurgreiða styrkinn. Úthlutunarnefnd afgreiðir slíkar greinargerðir.

- 9: Með umsókn í Uppbyggingarsjóð staðfestir umsækjandi, með vísan til reglugerðar ESB nr. 1407/2013 um minniháttar aðstoð (de minimis aid), að opinber stuðningur vegna verkefnisins fer ekki yfir 200.000 evrur samanlagt, að meðtöldum þeim stuðningi sem sótt er, á tveimur næstliðnum reikningsárum og yfirstandandi reikningsári. Úthlutunarreglur endurskoðast árlega af úthlutunarnefnd Uppbyggingarsjóðs Austurlands og samráðsvettvangi Sónarátætlunar Austurlands og eru samþykktar af stjórn SSA.
-

Skýring: Úr lögum nr. 37/1993: 21. gr. HVENÆR VEITA SKAL RÖKSTUÐNING.

Aðili máls getur krafist þess að stjórnvald rökstyðji ákvörðun sína skriflega hafi slíkur rökstuðningur ekki fylgt ákvörðuninni þegar hún var tilkynnt. Ákvæði 1. mgr. gildir þó ekki ef: 1. umsókn aðila hefur verið tekin til greina að öllu leyti. 2. um er að ræða einkunnir sem veittar eru fyrir frammistöðu á prófum. 3. um er að ræða styrki á sviði lista, menningar eða vísinda. Beiðni um rökstuðning fyrir ákvörðun skal bera fram innan 14 daga frá því að aðila var tilkynnt ákvörðunin og skal stjórnvald svara henni innan 14 daga frá því að hún barst.

Styrkhæfur kostnaður

Uppbyggingarsjóður Austurlands tekur þátt í fjármögnun styrkhæfs kostnaðar. Styrkhæfur kostnaður skal koma fram í kostnaðaráætlun umsóknar og til hans teljast eftirfarandi þættir.

Laun & launatengd gjöld

Vinnuframlag miðast við unnar stundir umsækjanda eða samstarfsaðila og er viðmiðunartaxti á hverja vinnustund 4.500 kr. Heimilt er að reikna með öðrum taxa sem gildir fyrir þátttakendur í hverju tilviki fyrir sig. Þó ekki lægri en viðmiðunartaxta. Halda skal tímaskýrslur yfir vinnu við verkefnið og skal skila þeim inn með öðrum skjölum vegna kostnaðar við verkefnið.

Ferða & fundakostnaður

Gerð skal grein fyrir öllum ferðum, bæði erlendis og innanlands; tilgangur ferða, áfangastað og áætlun um ferðakostnað. Leitast skal við að velja hagkvæmasta og umhverfisvænasta ferðamáta hverju sinni.

Aðkeypt þjónusta

Í umsókn skal skilgreina aðkeypta þjónustu og/eða ráðgjöf; hvaðan þjónustan er keypt, hvað felst í henni, kostnað og áætlaðan afrakstur. Vinna umsækjanda eða samstarfsaðila fellur ekki undir aðkeypta þjónustu.

Annar kostnaður

Lýsa þarf í umsókn hvers konar aðföng eru nauðsynleg fyrir verkefnið. Heimilt er að kaupa nauðsynlegan sérhæfðan búnað vegna verkefnis en almennur búnaður, s.s. skrifstofubúnaður er ekki styrkhæfur.

Uppbyggingarsjóður fjármagnar ekki

Fjárfestingar í fyrirtækjum, kaup á lóðum eða húsnæði. Skráningu menningarminja, starfsemi íþróttafélaga, bæjarhátíðir eða almennar samkomur án skilgreindrar sérstöðu, almennt safnaðarstarf og hefðbundið menningarstarf innan skóla. Rannsóknir sem eiga aðgang að öðrum opinberum sjóðum. Kostnað sem fallið hefur til áður en umsókn er afgreidd. Stofn- og rekstrarstyrki til aðila sem lögum samkvæmt eiga rétt á slíkum styrkjum úr öðrum opinberum sjóðum, s.s. minjasöfn og stofnanir með samninga við ríkið.

Úthlutunarreglur og mat umsókna

Úthlutunarreglur Uppbyggingarsjóðs Austurlands eru þær forsendur sem mat umsókna og úthlutun styrkja byggir á. Til þess að leggja meggi sem faglegast mat og á sem óhlutdrægastan máta, eru lögð fram viðmið sem metin eru til stiga og verður þá til samanburðarhæfur grundvöllur sem mikilvægt er að sé til staðar þegar umsóknir í samkeppnissjóð eru meðhöndlaðar.

Fagráð Uppbyggingarsjóðs og úthlutunarnefnd styðjast við úthlutunarreglurnar í sinni vinnu við mat á umsóknum. Ekki er heimilt að víkja frá þeim reglum sem samþykktar hafa verið. Umsækjendum ber að kynna sér reglurnar og setja umsóknir sínar upp í samræmi við þær kröfur sem þar koma fram.

Útlit og frágangur umsóknar

Hluti A

Litið er til þess hvernig umsókn er unnin og gengið frá henni.

Í lýsingu skal vera skýrt hvers konar verkefni er um að ræða, hver er tilgangur þess og markmið. Í lýsingu kemur fram hvað skal framkvæma, hvenær og hver afurðin er. Lýsing verkefnis skal vera þannig frágengin að hægt sé að birta stutta lýsingu verkefnis óbreytta og lengri lýsing verkefnis sé þannig framsett að lesandi umsóknar geti lagt mat á hvort umsókn eigi erindi í frekara mat. Heimilt er að vísa umsókn frá uppfylli hún ekki lágmarkskröfur hvað varðar frágang.

Umsókn skal fylgja rekstraráætlun sem er sundurliðuð á umsóknarblaði í fjármögnun og kostnað. Gerð er krafa um að fyllt sé út í umsóknarformið og ekki dugar að láta fylgja Excel-skjal. Tilgangurinn með því vinnulagi er að lesandi átti sig strax á trúverðugleika fjármögnunar og kostnaðar við verkefnið. Hins vegar er mikilvægt að bæta við öllum fylgiskjöllum um rekstur verkefnis sem við eiga, s.s. viðskiptaáætlunum og rekstraryfirlitum.

Verkáætlun verkefnis skal lýsa tímalínu sem sýnir framkvæmd verkefnis.

Viðmiðunarþættir

- Útfylling umsóknar og verkefnislýsing
- Kostnaðaráætlun
- Fjármögnun
- Verk- og tímaáætlun

Matsþættir

- Umsókn er vel unnin, skýr og greinagóð lýsing á verkefni.
- Umsókn uppfyllir lágmarkskröfur og verkefnislýsing ásættanleg.
- Umsókn uppfyllir ekki lágmarkskröfur.
- Áætlun um fjármögnun er skýr og trúverðug.
- Áætlun um fjármögnun er skýr en ótrúverðug.
- Áætlun um fjármögnun er óskýr og ótrúverðug
- Kostnaðaráætlun er skýr og raunhæf.
- Kostnaðaráætlun er skýr en óraunhæf.
- Kostnaðaráætlun er óskýr og óraunhæf.
- Tíma- og verkáætlun er góð og áætluð framkvæmd innan árs frá úthlutun.
- Framkvæmd verkefnis áætluð innan árs frá úthlutun en verkáætlun ekki skýr.
- Verk- og tímaáætlanir eru ekki fullnægjandi.

Innihald og trúverðugleiki umsóknar

Hér er litið til þess hvernig verkefni uppfyllir þá þætti og áherslur sem mikilvægt er séu til staðar í verkefnum sem studd eru af Uppbyggingarsjóði Austurlands.

Verkefni skulu styðja við markmið Sóknaráætlunar og þær áherslur og hugmyndafræði sem fram koma þar hvað varðar samfélagsþróun, menningu, atvinnulíf og umhverfi. Umsækjendur þurfa að vísa í Sóknaráætlun í umsóknum sínum og sýna fram á hvernig verkefni þeirra tengist Sóknaráætlun Austurlands.

Verkefni þurfa að fara fram á Austurlandi. Kostur er að verkefni fari fram á svæðisvísu ef verkefnið hentar til þess. Kostur er að umsækjandi eigi lögheimili á Austurlandi eða tengist Austurlandi á einhvern hátt. Þannig geta brottfluttir Austfirðingar sem vitað er að eru ákveðin auðlind fyrir svæðið, haldið sínum tengslum eða búið til farveg til að skila ákveðinni þekkingu eða tengslaneti austur og tengt svæðið út á við.

Verkefni sem eru samstarf tveggja eða fleiri aðila eru ákjósanleg enda er samnýting þekkingar, tækja og tóla ætíð kostur. Mikilvægt er þó að líta til þess að ekki öll verkefni bera samstarf og þarf að meta slíkt fyrir hvert tilvik. Í verkefnum þar sem ákjósanleg er aðkoma fagaðila og fræðastofnana á sviði verkefnis, ber að meta verkefnið í því samhengi. Enda enda ætti umsækjandi ætíð að leita til sérfræðinga og fagaðila sér til stuðnings þar sem við á og nýta þá kosti sem slíkt samstarf getur falið í sér. Verkefni sem fela í sér slík tengsl bera vott um ákveðna fagmennsku og metnað sem er mikilvægt að sé til staðar og bendir til þess að umsækjandi hafi kannað vel forsendur og kynnt sér það svið sem verkefnið tengist.

Þegar lagt er mat á hvort verkefni er verðmætt fyrir samfélagið er litið til þriggja þátta sem algengt er að nota til að meta fjölbætt virði og áhrif og mikilvægt er að hafa í huga að þættirnir eru allir jafngildir; menningarlegt, félagslegt og efnahagslegt virði. Verkefni sem fela í sér verðmæti á öllum þessum sviðum eru Austurlandi mikilvæg. Ennfremur er litið til þess hve víðtæk áhrif verkefna eru; hvort þau nái takmarkað út fyrir þann stað sem þau framkvæmast á eða hafi áhrif víðar á svæðinu og jafnvel á allan landshlutann. Í þessu samhengi ber þó að horfa til stærðar samfélaga innan landshlutans og meta áhrif í því samhengi.

Umsækjandi sýnir fram á hvernig hæfni hans og færni styðja við framgang verkefnis. Slíkt má gera með vísan í ferilskrá, samantekt um fyrri verkefni eða hvað eina sem styður við það að umsækjandi sé líklegur til að geta framkvæmt verkefnið eins og það er sett upp. Ennfremur er óskað eftir að gerð sé grein fyrir þekkingu og reynslu samstarfsaðila. Ekki er nóg að hengja bara ferilskrá við umsókn heldur þarf að fylla út í þann hluta umsóknar þar sem beðið er um þessa lýsingu.

Heildarmat á líkum þess að verkefnið muni ganga fram eins og því er lýst byggir á þverfaglegu mati fagráðs og liggja til grundvallar allir þeir þættir sem fram koma á matsblaði. Tilgangur fagráða er að meta umsóknir út frá matsviðmiðum en auk þess er fagþekking og reynsla þeirra sem skipa fagráðin verkfæri til að leggja heildarmat á umsókn.

Viðmiðunarpættir

- Tenging við Sóknaráætlun Austurlands
- Staðsetning
- Samstarf
- Samfélagsleg uppbygging

Matspættir

- Illa rökstudd tenging en getur þó fallið undir markmið Sóknaráætlunar hvað varðar samfélag, menningu, atvinnu og umhverfi.
- Engin tenging er við markmið Sóknaráætlunar hvað varðar samfélag, menningu, atvinnu og umhverfi.
- Skýr tenging er við eitt eða fleiri markmið Sóknaráætlunar hvað varðar samfélag, menningu, atvinnu og umhverfi.

- Verkefnið fer fram á Austurlandi og umsækjandi býr á Austurlandi.
- Verkefnið fer fram á Austurlandi en umsækjandi býr ekki á Austurlandi en hefur sterka tengingu við Austurland.
- Verkefnið fer fram á Austurlandi en umsækjandi hefur enga tengingu við Austurland.

- Samvinna/samstarf óverulegt eða ekki fyrir hendi. Ekki eru tengsl við fag– eða fræðastofnanir.
- Samvinna/samstarf tveggja aðila að einhverju leyti. Einhver tengsl eru við fag– eða fræðastofnanir
- Samvinna/samstarf skýrt milli tveggja eða fleiri aðila. Sterk tengsl við fag– eða fræðastofnanir

- Verkefnið hefur lítil samfélagsleg áhrif hvað varðar menningu og/eða atvinnulíf og virði þess fyrir samfélagið óljóst.
- Nokkrar líkur á jákvæðum samfélagslegum áhrifum hvað varðar menningu og/eða atvinnulíf og virði fyrir samfélagið. Verkefnið takmarkast við ákveðið svæði.
- Miklar líkur á jákvæðum samfélagslegum áhrifum hvað varðar menningu og atvinnulíf.
- Verkefnið er verðmætt fyrir samfélagið. Verkefnið nær yfir stórt svæði í landshlutanum eða allt Austurland.

- Þekkingu og reynslu umsækjanda (og samstarfsaðila) er ekki lýst á þann hátt í umsókn að það styðji við að verkefnið verði unnið á fullnægjandi hátt.
- Þekkingu og reynslu umsækjanda (og samstarfsaðila) er lýst á þann hátt í umsókn að líkur eru á að umsækjandi geti framkvæmt verkefnið á fullnægjandi hátt.
- Þekkingu og reynslu umsækjanda (og samstarfsaðila) er lýst á þann hátt í umsókn að mjög líklegt þykir að umsækjandi geti framkvæmt verkefnið á sannfærandi og fullnægjandi hátt.

- Litlar líkur eru á að verkefnið nái fram að ganga. Umsókn uppfyllir ekki matsviðmið á sannfærandi hátt. Framkvæmd og afrakstur verkefnisins er óljós eða ákveðnir þættir eru ekki skilgreindir.
- Líkur eru á að verkefnið nái fram að ganga og ætlaður árangur náist. Umsókn uppfyllir hluta matsviðmiða á sannfærandi hátt. Framkvæmd og afrakstur verkefnisins er nokkuð skýr en ákveðnir þættir eru ekki skilgreindir á fullnægjandi hátt.
- Miklar líkur eru á að verkefnið nái fram að ganga eins og því er lýst í umsókn. Umsókn er trúverðug og uppfyllir matsviðmið á sannfærandi hátt. Framkvæmd og afrakstur verkefnisins er skýr.

Sérhæft mat umsókna um styrki til menningarverkefna

Hluti C

Hér er litið til þess hvernig verkefni snertir áherslupætti og markmið Uppbyggingarsjóðs og hvernig fagmennska og listrænt gildi kemur fram. Ennfremur er litið til þess hvort verkefni snerti áherslur og markmið menningar í Sóknaráætlun:

- Styðja við menningarverkefni sem draga fram eða efla áhugaverða þætti í menningararfleifð, t.d. handverk og vinnulag.
- Styðja við verkefni sem styrkja atvinnustarfsemi á sviði lista og menningar.
- Styðja sérstaklega við menningarverkefni sem efla og auka menningar- og liststarfsemi fyrir börn og unglinga, t.d. safnafræðslu, stök námskeið, listamenn inn í skólana.
- Styðja við framsækin og mikilvæg menningarverkefni með styrkjum til tveggja til fimm ára. Uppfylla þarf skilyrði um áfangaskiptingu, skýra framtíðarsýn, sterka verkefnaáætlun og rökstuðning fyrir mikilvægi verkefnisins fyrir menningu og samfélag á Austurlandi og víðar.
- Hvetja til þess að aðstaða á ásættanlegum kjörum sé til staðar í hverjum byggðakjarna fyrir listamenn sama hver listgreinin er. Leiklist og tónlist hafa notið ákveðinnar sérstöðu sem mikilvægt er að jafna hvað varðar sjónlistafólk og hönnuði.
- Styðja við verkefni sem draga úr sóun og efla endurnýtingu, s.s. á sviði viðgerðarþjónustu og ráðgjöf eða fræðslu sem stuðlar að minnkun kolefnisspors og dregur úr óþarfa neyslu.
- Styðja við hugmyndir sem snúa að vörupróun á staðbundnum skógarafurðum.

Lagt er mat á listrænt eða menningarlegt gildi verkefnis sem þar sem sótt er um styrki til menningarverkefna. Í því felst að verkefnið er skoðað í stærra samhengi og litið til áhrifa þess á menningarlíf og samfélag í landshlutanum. Ennfremur er horft til fagmennsku þeirra sem að verkefninu standa. Að auki er litið til þeirra strauma og stefna sem ríkja á því fagsviði sem verkefnið tengist. Verkefni sem skapa störf á sviði lista og menningar eru æskileg hvort sem um er að ræða tímabundin störf eins og algengt er á því sviði eða skapandi störf til lengri tíma.

Viðmiðunarþættir

- Listrænt eða menningarlegt gildi
- Fagmennska

Matsþættir

- Listrænt eða menningarlegt gildi verkefnis er takmarkað. Verkefnið skortir faglega nálgun, heildarsýn eða faglegt samhengi. Verkefnið hefur takmörkuð menningarleg áhrif í för með sér. Verkefnið skapar engin eða afar takmörkuð störf á sviði menningar. Verkefnið tengist ekki eða óljóst áherslum og markmiðum Sóknaráætlunar varðandi menningu.
- Listrænt eða menningarlegt gildi verkefnis er nokkuð. Verkefnið hefur faglega nálgun, heildarsýn eða faglegt samhengi. Verkefnið hefur nokkur menningarleg áhrif í för með sér og/eða hefur fræðslugildi á afmörkuðu svæði. Verkefnið skapar takmörkuð störf á sviði menningar. Verkefnið tengist áherslum og markmiðum Sóknaráætlunar varðandi menningu.
- Listrænt eða menningarlegt gildi verkefnis er mikið. Verkefnið hefur öfluga nálgun, skýra heildarsýn eða sterkt faglegt samhengi. Verkefnið hefur mikil menningarleg áhrif í för með sér og/eða hefur fræðslugildi á stærra svæði í landshlutanum eða á öllu Austurlandi. Verkefnið skapar störf á sviði menningar. Verkefnið tengist á skýran hátt áherslum og markmiðum Sóknaráætlunar varðandi menningu.

Sérhæft mat umsókna um atvinnu- og nýsköpunarstyrki

Hluti D

Hér er litið til þess hvernig verkefni snertir áherslupætti og markmið Uppbyggingarsjóðs og hversu skýr og sannfærandi lýsing á atvinnu og nýsköpunargildi verkefnis kemur fram. Enn fremur er litið til þess hvort verkefni snerti áherslur og markmið menningar í Sóknaráætlun:

- Styðja við atvinnuverkefni sem stuðla að því að Austurland sé eitt atvinnusóknarsvæði s.s. verkefni sem ná yfir stærri svæði, tengja saman byggðakjarna og/eða sveitarfélög.
- Styðja við nýsköpun í atvinnustarfsemi ungs fólks á aldrinum 20 – 35 ára.
- Styðja við atvinnuverkefni sem stuðla að aukinni sjálfbærni sérstaklega í (matvæla) framleiðslu.
- Styðja við atvinnuverkefni sem miða að fullvinnslu matvæla.
- Styðja við atvinnuverkefni sem stuðla að nýsköpun í ræktun.
- Styðja við atvinnuverkefni sem ríma við hugmyndafræði Áfangastaðarins Austurlands. Hvetja til þess að auka hlutfall staðbundinna hráefna á veitingastöðum milli ára.
- Styðja við verkefni sem draga úr sóun og efla endurnýtingu, s.s. á sviði viðgerðarþjónustu og ráðgjöf eða fræðslu sem stuðlar að minnkun kolefnisspors og dregur úr óþarfa neyslu.
- Styðja við hugmyndir sem snúa að vörupróun úr staðbundnum skógarafurðum.

Lagt er mat á nýsköpunargildi verkefnis og í því samhengi sprota og frumkvöðlastarf, sem eykur fjölbreytni eða sjálfbæra nýtingarmöguleika á einhverjum auðlindum Austurlands. Auk þess er mikilvægt að meta nýsköpun í greinum atvinnulífsins sem þegar hafa haslað sér völl og miða að því að bæta við möguleikum eða fullvinna. Litið er til þess hvort verkefni er atvinnuskapandi á Austurlandi og hvort því fylgi bein eða afleiðd störf; tímabundin eða til lengri tíma og staðsetningu þeirra starfa.

Viðmiðunarpættir

- Nýsköpunargildi
- Atvinnusköpun

Matspættir

- Lýsing á atvinnu- og/eða nýsköpunargildi ófullnægjandi Verkefnið tengist ekki eða óljóst áherslum og markmiðum Sóknaráætlunar varðandi atvinnu og nýsköpun. Verkefnið skapar engin eða takmörkuð störf.
- Lýsing á atvinnu- og/eða nýsköpunargildi nokkuð skýr. Verkefnið tengist áherslum og markmiðum Sóknaráætlunar varðandi atvinnu og nýsköpun. Líkur eru á atvinnusköpun a.m.k. tímabundið og/eða nýsköpun sem eykur styrk atvinnulífs á svæðinu. Nokkuð raunhæfar væntingar fylgja verkefninu um aukna fagmennsku og fjölbreytni.
- Lýsing á atvinnu- og/eða nýsköpunargildi mjög skýr og sannfærandi. Verkefnið tengist með skýrum hætti áherslum og markmiðum Sóknaráætlunar varðandi atvinnu og nýsköpun. Verkefnið mun veita atvinnu og styrkja atvinnusköpun til lengri tíma. Miklar líkur á fjölgun starfa. Mjög raunhæfar væntingar fylgja verkefninu um aukna fagmennsku og fjölbreytni í störfum.

Sérhæft mat umsókna um stofn- og rekstrarstyrki

Hluti E

Hér er litið til þess hvernig verkefni snertir áherslupætti og markmið Uppbyggingar- sjóðs og hversu skýr og sannfærandi lýsing á samfélagslegu, menningarlegu og /eða atvinnu og nýsköpunargildi verkefnis kemur fram. Ennfremur er litið til þess hvort verkefni snerti áherslur og markmið Sóknaráætlunar Austurlands.

Stofn- og rekstrarstyrkir eru veittir lögaðilum á sviði menningar. Tilgangur þeirra er að styðja við starfsemi á sviði lista og menningar sem hefur ótvírætt menningar- og samfélagslegt gildi fyrir Austurland og hefur sannað gildi sitt með fyrri verkefnum. Einnig að styðja við stofnun verkefna sem á sannfærandi hátt búa yfir fagmennsku, skýrri hugsjón, framtíðarsýn og raunhæfum markmiðum.

Viðmiðunarpættir

- Lögaðili
- Ótvírætt gildi fyrir Austurland
- Fagmennska

Matspættir

- Umsækjandi er ekki lögaðili eða hefur afar takmarkaða starfssögu. Tilgangur starfsemi er óljós og gildi verkefnis fyrir Austurland er óljóst.
- Umsækjandi lýsir nokkurri fagmennsku og ákveðnum markmiðum eða framtíðarsýn. Menningar- og samfélagsgildi verkefnis fyrir Austurland er nokkuð sannfærandi.
- Umsækjandi lýsir mikill fagmennsku, skýrri hugsjón og sterkri framtíðarsýn. Markmið verkefnis eru skýr og menningar og samfélagslegt gildi verkefnis fyrir Austurland er ótvírætt.

Verklýsing	Umsókn uppfyllir ekki lágmarkskröfur.	Umsókn uppfyllir lágmarkskröfur og verkefnislýsing ásættanleg.	Umsókn er vel unnin, skýr og greinagóð lýsing á verkefni.
A	Fjármögnun	Áætlun um fjármögnun er óskýr og ótrúverðug.	Áætlun um fjármögnun er skýr og trúverðug.
	Kostnaður	Kostnaðaráráætlun er óskýr og óraunhæf.	Kostnaðaráráætlun er skýr og raunhæf.
	Tímalína	Verk og tímaáætlanir eru ekki fullnægjandi.	Tíma og verkáætlun er góð og áætluð framkvæmd innan árs frá úthlutun.
	Sóknaráráætlun	Engin tenging er við markmið Sóknaráráætlunar hvað varðar samfélag, menningu, atvinnu og umhverfi.	Skýr tenging er við eitt eða fleiri markmið Sóknaráráætlunar hvað varðar samfélag, menningu, atvinnu og umhverfi. Verkefnið fer fram á Austurlandi og umsækjandi býr á Austurlandi.
B	Staðsetning	Verkefnið fer fram á Austurlandi en umsækjandi hefur enga tengingu við Austurland.	Verkefnið fer fram á Austurlandi og umsækjandi býr á Austurlandi.
	Samstarf	Samvinna/samstarf óverulegt eða ekki fyrir hendi. Ekki eru tengsl við fag– eða fræðastofnanir.	Samvinna/samstarf skýrt milli tveggja eða fleiri aðila. Sterk tengsl við fag– eða fræðastofnanir
	Áhrif	Verkefnið hefur lítil samfélagsleg áhrif hvað varðar menningu og/eða atvinnulíf og virði þess fyrir samfélagið óljóst.	Miklar líkur á jákvæðum samfélagslegum áhrifum hvað varðar menningu og atvinnulíf. Verkefnið er verðmætt fyrir samfélagið. Verkefnið nær yfir stórt svæði í landshlutanum eða allt Austurland.
	Hæfni	Þekkingu og reynslu umsækjanda (og samstarfsaðila) er ekki lýst á þann hátt í umsókn að það styðji við að verkefnið verði unnið á fullnægjandi hátt.	Þekkingu og reynslu umsækjanda (og samstarfsaðila) er lýst á þann hátt í umsókn að mjög líkleg þykir að umsækjandi geti framkvæmt verkefnið á sannfærandi og fullnægjandi hátt.
C	Líkur	Lítlar líkur eru á að verkefnið nái fram að ganga. Umsókn uppfyllir ekki matsviðmið á sannfærandi hátt. Framkvæmd og afrakstur verkefnis er óljós eða ákveðnir þættir eru ekki skilgreindir.	Miklar líkur eru á að verkefnið nái fram að ganga eins og því er lýst í umsókn. Umsókn er trúverðug og uppfyllir matsviðmið á sannfærandi hátt. Framkvæmd og afrakstur verkefnis er skýr.
	Menning	Listrænt eða menningarlegt gildi verkefnis er takmarkað. Verkefnið skortir faglega nálgun, heildarsýn eða faglegt samhengi. Verkefnið hefur takmörkuð menningarleg áhrif í för með sér. Verkefnið skapar engin eða afar takmörkuð störf á sviði menningar. Verkefnið tengist ekki eða óljóst áherslum og markmiðum Sóknaráætlunar varðandi menningu.	Listrænt eða menningarlegt gildi verkefnis er mikið. Verkefnið hefur mikla faglega nálgun, skýra heildarsýn eða sterkt faglegt samhengi. Verkefnið hefur mikil menningarleg áhrif í för með sér og/eða hefur fræðslugildi á stærra svæði í landshlutanum eða á öllu Austurlandi. Verkefnið skapar störf á sviði menningar. Verkefnið tengist á skýran hátt áherslum og markmiðum Sóknaráætlunar varðandi menningu.
	Atvinna	Lýsing á atvinnu– og/eða nýsköpunargildi ófullnægjandi. Verkefnið tengist ekki eða óljóst áherslum og markmiðum Sóknaráætlunar varðandi atvinnu og nýsköpun. Verkefnið skapar engin eða takmörkuð störf.	Lýsing á atvinnu– og/eða nýsköpunargildi mjög skýr og sannfærandi. Verkefnið tengist með skýrum hætti áherslum og markmiðum Sóknaráætlunar varðandi atvinnu og nýsköpun. Verkefnið mun veita atvinnu og styrkja atvinnusköpun til lengri tíma. Miklar líkur á fjölgun starfa. Mjög raunhæfar væntingar fylgja verkefninu um aukna fagmennska og fjölbreytni í störfum.
	Stofn & rekstur	Umsækjandi er ekki lögaðili eða hefur afar takmarkaða starfsögu. Tilgangur starfsemi er óljós og gildi verkefnis fyrir Austurland er óljóst.	Umsækjandi lýsir mikið fagmennsku, skýrri hugsjón og sterki framtíðarsýn. Markmið verkefnis eru skýr og menningar og samfélagslegt gildi verkefnis fyrir Austurland er ótvírætt.

